

# **“ДАРХАН НЭХИЙ” ХУВЬЦААТ КОМПАНИЙН ХУВЬЦАА ЭЗЭМШИГЧДИЙН ЭЭЛЖИТ ХУРЛЫН ТОГТООЛ**

2023 оны 03 дугаар сарын 4-ний өдөр

дугаар 01

Дархан –Уул аймаг

Компанийн 2022 оны үйл ажиллагааны болон санхүүгийн  
тайланд өгөх ТУЗ дүгнэлтийг батлах тухай


Компанийн тухай хуулийн 62 дугаар зүйлийн 62.1.9 заалт, Дархан Нэхий Хувьцаат компанийн дүрмийн 7 дугаар зүйлийн 7.8.3 заалтыг тус тус удирдлага болгон Дархан Нэхий ХК-ийн 2022 оны үйл ажиллагааны болон санхүүгийн тайлантай танилцаж, ТУЗ-ээс компанийн үйл ажиллагаанд өгсөн дүгнэлтийг хэлэлцсэний үндсэн дээр гаргасан 2023 оны 03 дугаар сарын 04- ний өдрийн Хувьцаа эзэмшигчдийн хурлын Тооллогын комиссын 02 тоот шийдвэрийн 1 дэхь заалтыг үндэслэн **ТОГТООХ нь:**

1. Дархан Нэхий Хувьцаат компанийн 2022 оны үйл ажиллагааны болон санхүүгийн тайланд ТУЗ-өөс өгсөн дүгнэлтийг хавсралт №01- ээр баталсугай.

ХУРЛЫН ДАРГА



Х. ЗОЛЖАРГАЛ



## ДАРХАН НЭХИЙ ХУВЬЦААТ КОМПАНИЙН 2022 ОНЫ ҮЙЛ АЖИЛЛАГААНЫ БОЛОН САНХҮҮГИЙН ТАЙЛАНД ӨГӨХ ДҮГНЭЛТ

Дархан Нэхий ХК нь 2022 оны нийт борлуулалтын нийт орлого 2021 онтой харьцуулахад 8 % аар буурч, бүтээгдэхүүний өртөг 5% аар буурч, ашиг 2%-аар өсч, 3.7 тэрбум төгрөгний цэвэр ашигтай ажилласан байна. Ажиллагсдын цалин, импортын түүхий эд, туслах материалын үнэ нэмэгдсэн, олон жил хадгалсан бараа, материалыг акталсан зэргээс гадна ашиглалтын зардал нь өмнөх жилийнхээс 1,2 тэрбумаар буюу 455% -аар өссөн нь үйлдвэрлэлийн салбарын ашиг буурахад нөлөөлсөн байна. Ашиглалтын зардлыг 2021 онд ЗГ-аас чөлөөлж байсан нь дээрх зөрүү өндөр гарахад нөлөөлжээ.

Ашгийг компанийн салбаруудаар харвал Үйлдвэрлэлийн салбарын цэвэр ашиг 21 %-аар буурч, үйлчилгээний салбарынх 54%-аар өссөн байна.

Үйлдвэрлэлийн салбарын ашиг буурахад өртөг, зах зээлийн худалдан авах чадвар, бүтээгдэхүүний нэр төрөл, чанар байдал, Ковидын дараах логистик, саатал, бүтээгдэхүүн хөгжүүлэлттэй холбоотой асуудлууд нөлөө үзүүлсэн байна. Үйлчилгээний салбарын орлого, ашиг өсөхөд Ковидын дараах үйлчилгээний салбарын өсөлт, хөрөнгө оруулалтын өгөөж, менежментийн багийн ур чадвар зохих нөлөө үзүүлсэн байна.

Чадварлаг боловсон хүчний олох, тогтоох, хүний хүчин зүйлийг бүрэн дүүрэн ашиглах, бүтээмж нэмэгдүүлэх, бүтээгдэхүүн хөгжүүлэлтийг шинэ түвшинд гаргах, өртөг бууруулах зэргийг анхаарах цаг болжээ. Экспортын зах зээл судлах, олох, бараа бүтээгдэхүүнээ олон улсын жишигт нийцүүлэх, валютын эх үүсвэр олох, зах зээлээ тэлэх асуудал бас их чухал байна.

2022 онд татвар, шимтгэлд нийт 2,8 тэрбум төгрөг төлж, ажиллагсдын дундаж цалин өмнөх оноосоо 43% өсч 1,5 сая төгрөгт хүрсэн байна.

Тайлант хугацаанд нийт 13 тэрбум төгрөгний зээл төлж барагдуулсан байна.

БНХАУ-ын зүгээс хилээ нээгээгүй, мэргэжилтнүүд ирж чадаагүйгээс голлон шалтгаалж шахмал ширний үйлдвэр ашиглалтанд орж чадсангүй.

2022 онд Дархан Нэхий компани байгуулагдсаны түүхт 50 жилийн ой болж, энэ ойг угтсан олон бүтээлч ажлуудыг компанийн болон ажиллагсдын өөрсдийн хүч, хөрөнгөөр хийж гүйцэтгэсэн, ой угтсан уралдааныг дүгнэсэн нь хамт олны уур амьсгалд эерэг нөлөө үзүүлсэн байна.

Дархан Нэхий ХК-ийн гүйцэтгэх удирдлагын баг 2022 онд төлөвлөсөн зорилтоо биелүүлэхийн тулд өөрсдийн нөөц, бололцоогоо дайчлан ажилласан гэж Төлөөлөн Удирдах Зөвлөлөөс дүгнэж, Компанийн 2022 оны үйл ажиллагаа, санхүүгийн тайланг ХАНГАЛТТАЙ гэж дүгнэн, дүгнэлтээ компанийн Хувьцаа Эзэмшигчдийн ээлжит хурлаар хэлэлцүүлж шийдвэр гаргуулах нь зүйтэй гэж тогтов.

ДАРХАН НЭХИЙ ХУВЬЦААТ КОМПАНИЙН ТӨЛӨӨЛӨН УДИРДАХ ЗӨВЛӨЛ

# **“ДАРХАН НЭХИЙ” ХУВЬЦААТ КОМПАНИЙН ХУВЬЦАА ЭЗЭМШИГЧДИЙН ЭЭЛЖИТ ХУРЛЫН ТОГТООЛ**

2023 оны 03 дугаар сарын 4-ний өдөр

дугаар 02

Дархан –Уул аймаг

Дүрэм батлах тухай

Компанийн тухай хуулийн 17.1 заалт, 62.1.1 заалт, Дархан Нэхий Хувьцаат компанийн дүрмийн 7дугаар зүйлийн 7.7 заалтуудыг удирдлага болгон 2023 оын 03-р сарын 04-ний өдрийн Хувьцаа эзэмшигчдийн ээлжит хурлын Тооллогын комиссын 02 тоот шийдвэрийн 2дахь заалтыг үндэслэн **ТОГТООХ нь:**

1. Дархан Нэхий Хувьцаат компанийн шинэчилсэн дүрмийг Хавсралтаар баталсугай.
2. Компанийн шинэчилсэн дүрмийг Санхүүгийн зохицуулах хороонд хянуулан Улсын бүртгэлийн газрын Хуулийн этгээдийн бүртгэлийн газарт бүртгүүлэхийг гүйцэтгэх захирал /Б.Чинчулуун/-д даалгасугай.
3. Компанийн шинэчилсэн дүрмийг улсын бүртгэлд бүртгэсэн өдрөөс эхлэн үйл ажиллагаандаа дагаж мөрдсүгэй.

ХУРЛЫН ДАРГА



Х. ЗОЛЖАРГАЛ

# **“ДАРХАН НЭХИЙ” ХУВЬЦААТ КОМПАНИЙН ХУВЬЦАА ЭЗЭМШИГЧДИЙН ЭЭЛЖИТ ХУРЛЫН ТОГТООЛ**

2023 оны 03 дугаар сарын 4-ний өдөр

дугаар 04

Дархан – Уул аймаг

Төлөөлөн удирдах зөвлөлийн  
гишүүдийн цалин, урамшуулал,  
үйл ажиллагааны төсвийг батлах тухай

Компанийн тухай хуулийн 62 дугаар зүйлийн 62.1.13 заалт, Дархан Нэхий Хувьцаат компанийн дүрмийн 7 дугаар зүйлийн 7.8.7 заалт, тус компанийн Хувьцаа эзэмшигчдийн 2023 оын 3-р сарын 4-ний өдрийн ээлжит хурлын тооллогын комиссын 02 тоот шийдвэрийн 3 дахь заалтыг үндэслэн **ТОГТООХ нь:**

1. Дархан Нэхий Хувьцаат компанийн Төлөөлөн удирдах зөвлөлийн гишүүдийн цалин, урамшуулал, үйл ажиллагааны төсвийг хавсралтаар баталсугай.
2. Төлөөлөн удирдах зөвлөлийн төсвийг санхүүжүүлэхийг гүйцэтгэх захирал /Б.Чинчулуун/-д зөвшөөрсүгэй.

ХУРЛЫН ДАРГА



Х. ЗОЛЖАРГАЛ

# **“ДАРХАН НЭХИЙ” ХУВЬЦААТ КОМПАНИЙН ХУВЬЦАА ЭЗЭМШИГЧДИЙН ЭЭЛЖИТ ХУРЛЫН ТОГТООЛ**

2023 оны 03 дугаар сарын 4-ний өдөр

дугаар 03

Дархан – Уул аймаг

Төлөөлөн Удирдах Зөвлөлийн  
гишүүдийг батлах тухай

Компанийн тухай хуулийн 62.1.7, 77.1, 77.3, 77.4 заалтууд, Компанийн дүрмийн 7 дугаар зүйлийн 7.23, мөн 7.10 заалтыг удирдлага болгон 2023 оын 03-р сарын 04-ний өдрийн тус Хувьцаа эзэмшигчдийн ээлжит хурлын тооллогын комиссын дүнг тус тус үндэслэн **ТОГТООХ нь:**

1. Дархан Нэхий Хувьцаат компанийн Төлөөлөн удирдах зөвлөлийн гишүүдийн бүрэн эрхийг дуусгавар болгосугай.

2. Төлөөлөн удирдах зөвлөлийн ердийн гишүүдээр:  
Эрдэнэдалай овогтой Батсайхан  
Равжаа овогтой Сүмбэнхүү  
Батсайхан овогтой Чинчулуун  
Батсайхан овогтой Мягмар-Өлзий нарыг,

Төлөөлөн удирдах зөвлөлийн хараат бус гишүүдээр:  
Далхжав овогтой Батжаргал  
Хумбагай овогтой Золжаргал  
Цоодолсүрэн овогтой Хадаа  
Янсан овогтой Ариунтөгс  
Ганбаатар овогтой Хос-Эрдэнэ  
нарыг тус тус 2 жилийн хугацаагаар сонгосугай.

3. Хууль тогтоомж, компанийн дүрэм, засаглалын журмуудыг мөрдөж ажиллахыг Төлөөлөн Удирдах Зөвлөлийн нийт гишүүдэд үүрэг болгосугай.
4. Төлөөлөн Удирдах Зөвлөлийн бүрэлдэхүүний талаар олон нийтэд мэдээлж, шинээр сонгогдсон гишүүдийн талаарх мэдээллийг Санхүүгийн зохицуулах хороо, Хөрөнгийн биржид хүргүүлэхийг ТУЗ-ийн нарийн бичгийн дарга /Х.Нарантуяа/-д үүрэг болгосугай.

ХУРЛЫН ДАРГА

Х.ЗОЛЖАРГАЛ

